



BOSNIA AND HERZEGOVINA  
Ministry for Human Rights and Refugees

Broj: JN-02-16-4-6-10/20

Datum: 08. 05. 2020. godine

Zamjenik ministra za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, br. 32/02 i 102/09) i člana 64. stav (1) tačka b), člana 66. stav (1), člana 68. stav (4) tačka j), člana 70. stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj: 39/14), a na Preporuku Komisije za nabavke, broj: JN-02-16-4-6-8/20 od 27.04.2020. godine, u postupku javne nabavke hotelskog smještaja u zemlji i inostranstvu - pružanje usluga posredovanja u rezervaciji hotelskog smještaja, donosi sljedeću:

### **ODLUKU**

#### **o izboru najpovoljnijeg ponuđača za nabavku hotelskog smještaja u zemlji i inostranstvu - pružanje usluga posredovanja u rezervaciji hotelskog smještaja**

#### **Član 1.**

Prihvata se Preporuka Komisije za nabavke, broj: JN-02-16-4-6-8/20 od 27.04.2020. godine i Okvirni sporazum o nabavci hotelskog smještaja u zemlji i inostranstvu - pružanje usluga posredovanja u rezervaciji hotelskog smještaja, dodjeljuje se ponuđaču Hoteli Ilidža d.d. Sarajevo-Ilidža, ponuda broj: 1132-2/20 od 16.03.2020. godine, za ponudenu jediničnu cijenu od 20,00 KM bez PDV-a, odnosno 23,40 KM sa PDV-om, kao najpovoljnijem ponuđaču.

Okvirni sporazum se zaključuje na maksimalnu procijenjenu vrijednost nabavke u iznosu od 49.572,64 KM bez PDV-a, odnosno 58.000,00 KM sa PDV-om, u skladu sa članom 4. stav (5) Upustva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15).

#### **Član 2.**

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke c) i d) i člana 47. stav (1) tačke c), Zakona o javnim nabavkama u roku od 5 (pet) dana nakon što bude obavješten od strane ugovornog organa o rezultatima postupka nabavke.

Ukoliko izabarni ponuđač ne dostavi traženu dokumentaciju u određenom roku, ili je dostavi na nepropisan i nepotpun način, javna nabavka će biti poništena u skladu sa Zakonom o javnim nabavkama.

#### **Član 3.**

Okvirni sporazum o nabavci hotelskog smještaja u zemlji i inostranstvu (pružanje usluga posredovanja u rezervaciji hotelskog smještaja) će se zaključiti sa izabranim ponuđačem na period od jedne godine.

#### **Član 4.**

Ova odluka objavit će se na web stranici Ministarstva ([www.mhrr.gov.ba](http://www.mhrr.gov.ba)), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 5.**

Za izvršenje ove odluke se ovlašćuje i zadužuje Sektor za opšte, pravne poslove i finansijsko-materijalne poslove Ministarstva za ljudska prava i izbjeglice BiH.

#### **Član 6.**

Odluka stupa na snagu danom donošenja.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke hotelskog smještaja u zemlji i inostranstvu (pružanje usluga posredovanja u rezervaciji hotelskog smještaja), broj: JN-02-16-4-6-1/20 od 03.03.2020. godine. Javna nabavka je provedena putem Konkurentskog zahtjeva za dostavu ponuda za nabavku hotelskog smještaja u zemlji i inostranstvu-pružanje usluga posredovanja u rezervaciji hotelskog smještaja. Procijenjena vrijedost javne nabavke bez PDV-a: 49.572,64 KM, odnosno 58.000,00 KM sa PDV-om. Obavještenje o nabavci broj: 679-7-2-2-3-5/20 od 04.03.2020. godine objavljeno je na Portalu javnih nabavki. Komisija za nabavke imenovana je Odlukom, broj: 02-16-4-344-1/20, od 07.02.2020. godine.

Komisija za nabavke dostavila je ugovornom organu, zamjeniku ministra za ljudska prava i izbjeglice BiH, Zapisnik o pregledu i ocjeni ponuda, broj: JN-02-16-4-6-7/20 od 27.04.2020. godine, Preporuku o izboru najpovoljnijeg ponuđača, broj: JN-02-16-4-6-8/20 od 27.04.2020. godine i Izvještaj o radu, broj: JN-02-16-4-6-9/20 od 27.04.2020. godine u postupku javne nabavke hotelskog smještaja u zemlji i inostranstvu - pružanje usluga posredovanja u rezervaciji hotelskog smještaja.

U postupku po Izvještaju o radu utvrđeno je da je Komisija za nabavke blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljene tri (3) ponude;
- da su blagovremeno primljene tri (3) ponude;
- da nije bilo neblagovremeno primljenih ponuda,
- da je ponuda ponuđača Hoteli Ilidža d.d. Sarajevo-Ilidža kvalifikovana i prihvatljiva i da su dostavljeni svi traženi dokazi propisani Tenderskom dokumentacijom, na propisan način.

Komisija za nabavke je u postupku pregleda i ocjene ponuda utvrdila sljedeće:

#### **Ponuđač Mrkulić Company d.o.o. Sarajevo-Ilidža**

Ugovorni organ je u skladu sa članom 55. stav (1) tačka d) objavio tendersku dokumentaciju na portalu javnih nabavki.

Nadalje, ugovorni organ je dana 04.03.2020. godine, aktom broj: JN-02-16-4-6-3/20 ponuđaču Mrkulić Company d.o.o. Sarajevo-Ilidža uputio poziv za preuzimanje tenderske dokumentacije sa Portala javnih nabavki-Nabavka hotelskog smještaja u zemlji i inostranstvu (pružanje usluga posredovanja u rezervaciji hotelskog smještaja) u kojem je između ostalog navedeno da "Za učestvovanje u postupku javne nabavke za koji je tenderska dokumentacija objavljena na Portalu javnih nabavki, nije dovoljno da ponuđač bude registrovan i aktiviran, već i da direktno preuzme tendersku dokumentaciju za konkretni postupak."

Uvidom u Izvještaj o preuzimanju tenderske dokumentacije od strane ponuđača od 17.03.2020. godine, Komisija za nabavke je utvrdila da se ponuđač Mrkulić Company d.o.o. Sarajevo-Ilidža ne nalazi na spisku ponuđača koji su preuzeli tendersku dokumentaciju za predmetni postupak.

Kada ugovorni organ objavi tendersku dokumentaciju u sistemu „E-nabavke“, tenderska dokumentacija se ne može dostavljati na druge načine predviđene članom 55. stav (1) tačka a) do c) Zakona o javnim nabavkama.

U Tenderskoj dokumentaciji tačkom 15. Način i rok preuzimanja tenderske dokumentacije je, između ostalog, propisano da je tenderska dokumentacija dostupna na portalu Javnih nabavki (sistem „E-nabavke“) i da se tenderska dokumentacija ne dostavlja na druge načine u skladu sa ZJN.

S obzirom da je ugovorni organ, u skladu sa članom 55. stav (1) tačka d) objavio tendersku dokumentaciju na portalu javnih nabavki, te da je ponuđač Mrkulić Company d.o.o. Sarajevo-Ilidža o istom obavješten i pozivom za preuzimanje tenderske dokumentacije sa Portala javnih nabavki-Nabavka hotelskog smještaja u zemlji i inostranstvu (pružanje usluga posredovanja u rezervaciji hotelskog smještaja), te da isti nije preuzeo tendersku dokumentaciju sa Portala javnih nabavki, ponuda ponuđača Mrkulić Company d.o.o. Sarajevo-Ilidža je isključena iz dalje procedure zbog neispunjavanja uslova za kvalifikaciju i ista se odbacuje u skladu sa članom 68. stav (4) tačka j) Zakona o javnim nabavkama.

Na osnovu naprijed navedenog, Komisija za nabavke nije izvršila pregled i ocjenu ponude ponuđača Mrkulić Company d.o.o. Sarajevo-Ilidža, te ista nije bila predmet e-aukcije.

#### **Ponuđač Centrotrans-Eurolines d.d. Sarajevo**

Članom 66. stav (1) Zakona o javnim nabavkama je propisano da ako ugovorni organ ocijeni da je ponuđena cijena neprirodno niska, pismeno će od ponuđača zahtijevati da obrazloži ponuđenu cijenu. Ako ponuđač ugovornom organu ne ponudi osnovano obrazloženje, koje može, između ostalog, sadržavati i poređenje s cijenama na tržištu, ugovorni organ odbacit će ponudu.

Nadalje, članom 17. stav (7) tačka b) Uputstva za pripremu modela tenderske dokumentacije i ponuda (Službeni glasnik BiH, br. 90/14 i 20/15) propisano je da ugovorni organ obavezno od ponuđača traži objašnjenje cijene ponude koju smatra neprirodno niskom ako je cijena ponude za više od 20% niža od cijene drugorangirane prihvatljive ponude.

S tim u vezi, Komisija za nabavke je tokom pregleda i ocjene zaprimljenih ponuda utvrdila razlog za traženje objašnjenja cijene ponude koju smatra neprirodno niskom. Razlika između ponuđača Centrotrans-Eurolines d.d. Sarajevo „Jedinična cijena bez PDV-a“ - 10,00 KM, je za više od 20% niža od cijene drugorangirane prihvatljive ponude.

Ugovorni organ, Ministarstvo za ljudska prava i izbjeglice BiH je dana 01.04.2020. godine, aktom broj: JN-02-16-4-6-6/20 ponuđaču Centrotrans-Eurolines d.d. Sarajevo uputilo zahtjev da u roku od tri dana od dana prijema zahtjeva dostavi objašnjenje neprirodno niske ponuđene cijene.

Obzirom da ponuđač Centrotrans-Eurolines d.d. Sarajevo nikada nije dostavio traženo objašnjenje neprirodno niske ponuđene cijene, odnosno nije dostavio pisano objašnjenje, u skladu sa članom 66. stav (1) Zakona o javnim nabavkama ponuda ponuđača Centrotrans-Eurolines d.d. Sarajevo se odbacuje, te ista nije bila predmet e-aukcije.

U skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) u slučaju samo jedne validne ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

U postupku donošenja ove Odluke, posebno su cijenjene činjenice da je Komisija za nabavke, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka zamjenik ministra za ljudska prava i izbjeglice BiH nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenom u Obavještenju o nabavci i Tenderskoj dokumentaciji.

	Naziv i sjedište ponuđača	Kriterij -najniža cijena (jedinična cijena bez PDV-a)
1.	<b>Hoteli Ilidža d.d. Sarajevo-Ilidža Hrasnička cesta 14, 71210 Ilidža-Sarajevo</b>	<b>20,00 KM</b>

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke.

Dostaviti:

- Ponuđačima,
- Sektoru za opće, pravne i finansijsko-materijalne poslove,
- a/a.

